

Chhuh ãan : October 1984

RAMTHAR

SEPTEMBER



2025



TELKATTA KOHHRAN BIAK IN

Kum 1952-a ãin a ni a. Kohhran mite hi Kewa hnam niin, tũnah hian member 344 an ni. Lakhuihthei leh kuhva huan siam bãkah inhlawhfãk hi an ei zawna tlangpui a ni.

Cachar Kahrawt Bial, Cachar Tlangram

SERMON

Mitdel Tihdam Thu

Phêk

8 - 12

KUM 41-NA

SEPTEMBER 2025

BU 475

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2025 - 2027

Editor

Rev. Dr. C. Chawngmingliana

Joint Editors

Upa Lal̄hahluna Ralte

T. Upa T. Lal̄chhuangliana

News Editor

Pi Ruth Lal̄hmangaihi

Circulation Manager

Pu Lallawmnakima Hmar

Publisher

Rev. R. Lal̄hmingsanga

Member-te

Rev. R.C. Lal̄nghakliana

Synod Moderator

Upa Vanlalsawma Siakéng

Synod Secretary (Sr.)

Rev. Dr. Rosiamliana Tochhawng

Executive Secy., i/c Mission

Upa C. Lalmalsawma

BEC Member

Upa S. Lal̄thanga

BEC Member

SYNOD MISSION BOARD HOTUTE

Rev. Dr. Rosiamliana Tochhawng

Executive Secretary

Rev. R. Lal̄hmingsanga

Secretary

Upa Lal̄hahluna Ralte

Coordinator

Ramthar l̄ak chungeh̄angah leh thu chhuah chungeh̄angah
h̄engah̄te hian biak pawh theih kan ni e:

Mobile No: 8974694225 (WhatsApp/Telegram)

Email: ramtharchanchinbu@gmail.com

KUM KHAT L̄AK MAN - ₹ 60/-

A CHHŪNGA THU AWMTE

- | | |
|---|-------|
| 1. Editor thukhawcháng | 1 |
| 2. Keimahni | 2 |
| 3. Field chanchin thar - Arunachal West Field | 3-7 |
| 4. Sermon | 8-15 |
| (1) Mittel tihdam thu | |
| (2) Isua - Beràm pu ða | |
| 5. BUH HMUN AṬANGIN: | 16-28 |
| (1) Singapore-a Synod rawngbàwl̄na | |
| (2) Puan ðh̄ui hmanga rawngbàwl̄na | |
| (3) Basirhat Biala Lal̄pa hnathawh | |
| 6. SMB Project List 2025 chhángtute | 29-31 |
| 7. Ramthar Feh | 32 |



BEIHRUAL HIA HUHOVA CHÊT CHHUAH HUNANI



Beihruâl thla kan lo thleng leh ta. Beihruâl hi a tirah chuan Beihruâl tih a ni a. Kum 1917 Presbytery-ah *Evangelist Campaign* neih tùra rèl a ni a (*Presby. Sept. 1917 No 24*). Beihruâl hmasa ber chu engtik hunah chiah nge an hman tih hriat mai a harsa - 1918 Presbytery hma chuan neih ni ngeiin a lang. “*Beihruâl hi awm leh se la kan ti tláng a, kum 1919 September a ni ang, a tih dân tùr chu hmâna mi ang bawkhân a ni ang,*” (*Presby Oct. 1918 No. 11*). Beih dân tlángpui ber chu a tir aṅging thla chawhma lam hi ringtute intihchak nán Biak Inah zan tin inkhâwm ṭhin a ni a. Thla chawhnu lam erawh chu ringlote beih nán Biak In khârin páwl (group) tê têa insem darhin ringlo mite inah léngin Pathian thu sawipuína hunah hman ṭhin a ni. Krista Chanchin Ṭha an va sawipuí a, khawlaia thuhrih leh mual inkhâwm pawh an uar hle. Hetianga an han beih hian Kohhranin a chak phahin ringtu pawh an pun belh phah hle zêl a ni. Mizorama harhna ṭum thumna nèn a inruâl chho bawkh a, Beihruâl chu a hlâwk hle a ni. A lo rei deuh hnu, ringlote an tlem hnu chuan han zuai deuh rihna a awm a. Kohhran chhúngah mi chak lo leh hnung tawlh, ringlote tluka ngaihtuahawm an tam leh tâk deuh bawkh avàng leh ringlote eng emaw zât an la awm bawkh si avàngin Beihruâl chu a pawimawhna hriain Kohhranho an han insang mar thar leh ta a; tûn thlengin Kohhran chuan a hmang chhunzawm ta zêl a nih hi.

Tûn hnu hian Beihruâl hi kan la lâp sâwt ta hle niin a hriat a. Beihruâl tihtâwp hial duh pawh rawngbâwltute zingah pawh kan awm ve ta nuk mai. ‘*Beihruâl hi kan zo ta meuh lo chu a ni e,*’ tih thâwm te hriat tùr a awm ta fô mai. Kohhran ṭhenkhatah pheih chuan Kohhran Hmeichhia, KṬP, leh Kohhran Pavalai Pawl te a hrana hmantúrin kan sem darh ta a. Beihruâl pawh a ang ta meuh lo; **bei hrang, inbeih chhâwk** kan ang ta zâwk mah mah mai. Ramthar Field lamah chuan Beihruâl thla hi ringlote beih nán zàn khaw thim leh khaw chhe kárah zan tin feh chhuakin ṭhahnemngai takin Missionary te leh ringtuten an la hmang ṭhin a, hlâwk an la ti êm êm a ni. Mizoram chhúngah ngei pawh hian Kohhran ṭhenkhatah chuan tihtakzetin Beihruâl hi an la hmang a, September thla chhúng chauh chu hun a tawi tiin October thla thleng pawt sei te pawh an awm. Hawh u, kan puan ven sâwi chhíng ila, Beihruâl hi a huhova ṭhahnem ngai lehzualin i hmang ṭangkai teh ang u.



KEIMAHNI† **TUARPUINA:**

(1) Pu Thangbika (62), T̄uahzawl Ramthar Agent chu ni 24.7.2025 khán *Cancer* vângin a thi.

(2) Pu T.C. Lalremsanga (68), New Chalrang, Nl. Malsawmtluangi, Evangelist, Sivasagar (Upper Assam Mission Field) pa chu ni 5.8.2025 khán Zun thlum leh thisen sâng vângin a thi.

(3) Upa R. Sangkunga (84), Sialhawk, Pi R. Lalrochhari, Evangelist, Sateldung (Cachar Tlangram) pa chu ni 6.8.2025 khán *Alzheimer* vângin a thi.

(4) Pi Ruthi Lalhlupuii (59), Zuangtui, Pi Zairemsangi Hnamte, Evangelist Teacher, Madhuripathar (Upper Assam Mission Field) nu chu ni 8.8.2025 khán *Stroke* vângin a thi.

(5) Pi Radika (75), Mission Vengthlang, Pu Lalrawngbawla, Evangelist Teacher, Tuidu (Tripura Mission Field) nu chu ni 12.8.2025 khán Zun thlum vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† **BEC MEMBER-TE FIELD HRANG HRANGAH:**

Mission Field hrang hrangah Ramthar Board Executive Member-te chi insem darhin Field Committee neihpui t̄urin an kal, hetiangin:

1. Ni 4.8.2025-16.8.2025 chhúngin **Rev. Dr. Rosiamliana Tochwang, Upa F. Lalremthanga leh Upa S. Lalthanga, Arunachal East, Arunachal West, Arunachal North & Upper Assam-ah**

2. Ni 18.8.2025-26.8.2025 chhúngin **Rev. R. Lalhmingsanga, Upa C. Lalmalsawma leh Upa Lalhmuchhuaka, Karbi Anglong & Assam-ah**



FIELD CHANCHIN THAR ARUNACHAL & ASSAM MISSION FIELD WEST

Rev. John F. Lalhmingliana

Field Secretary

Mobile No: 9862313957



I. Bul tanna: Arunachal and Assam Mission Field West hi kum 2001-ah a hawn a ni a. Field Secretary hmasa ber chu Rev. R. Vanlalngbaka a ni. Field Headquarters chu Arunachal Pradesh khawpui Itanagar-ah dah a ni. A hawn laia Pastor bial pahnih chauh ni kha kum 2012-ah chuan bial riat lai a lo ni tawh a. He Field aţang hian Arunachal and Assam Mission Field North chu kum 2016 khán hawn a ni a, Pastor Bial eng emaw zât a hûi a. April 2025-ah Upper Assam Mission Field hawn a ni leh a. Hetah hian kan Field chhúng Assam phai lama awm zawngte chu an bet leh a. Mission Field thar piang leh siam rem a nihin a zâr buk lo lam zâwk kan zawh ta thìn a. Tûnah chuan Arunachal West huam chhúngah Pastor Bial pathum chauh hi kan awm ta.

II. Statistics: Arunachal and Assam Mission Field West chhúngah hian Bomdila, Thrizino leh Itanagar Pastor Bialte an awm a. Kum 2025-a thawktu dinhmun chu: Field Secretary pakhat, Missionary Pastor pahnih, Field Worker Pastor pakhat, Missionary Nurse pahnih, Craft Teacher pahnih, OA pakhat, Litt. Worker pakhat, Missionary 24, Field Worker pasarih, Driver pakhat kan ni a. Kohhran - 11, Preaching Station - 9, Fellowship - 6; Total - 26 kan nei a. Kohhran member zawng zawng hi 1,516 an ni bawk. Thingtláng leh khawpui zirna leh ei zawna vanga kàr tawn an tam avàngin member inchhiarna hi a dang zeuh zeuh fo. Ringthar hi kumin chhúng (Jan - July) hian 58 lai ka nei ve a ni.

III. Inkhâwmpui: Chhiarpui lamah tam tlûrh rih lo mah ila, Bial tin mai hian kohhran pangngai kalphung zawm an

tum hrâm hrâm a. Bial Inkhâwmpui, Bial KṚP Inkhâwmpui, Bial Kohhran Hmeichhe Inkhâwmpui, Bial Naupang Sunday School Inkhâwmpui te kimchang takin kan nei ve thlap tawh a ni. Pathiannah kohhran tam zâwkin Sunday School zirlaite an zir a. Thrizino Pastor Bial pheih chuan ‘Pi Zaii Medal’ ang deuh siam an tum a, Bomdila Pastor Bial Kohhran Hmeichhiain ‘Chhúng Inkhâwm bu’ an buatsaih rup bawk. Kan inkhâwm hun erawh chu Mizoram ang diak diak a ni ve thei lo thung. Kan Biak Inah kan chheh vêl kohhran lian zâwk tih dân kan seng luh loh theih loh chin a awm a. “Jai Mashih” leh “Praise the Lord” te pawh a mikhual lo hle a ni

IV. A Boruak: AAMFW huam chhúng hi a hma ai chuan a lêtna a tê tawh nâ a, Field Headquarters aṭanga khaw hla ber hi 300 Km vêl lai a la ni thung. Arunachal hian hmun tam takah Assam kawngpui ṭha an ṭâwmpui ve mai avàngin a kal chhúng erawh chu a rei lêm lo, kan ban ve zung zung mai a ni. A sik leh sá hi a inthlau khawp a - vúr tlâk duhna ram, kumtluana khua a vawhna, a hranpaa ‘Sikri bonus’ dawng ngat Bomdila leh Assam phai khaw lum kan kâr tawn chhen mai a ni. Thawktu pawh nikum lawka 150 vêl ni ṭhìn kha tûnah chuan mi 50 pawh kan tling ta lo, kàwi káwm thin ang rek rek chauh kan ni. Mahse, “Nang Bethlehem...” kan ti ve ngar ngar tho a ni.

V. Economics: Arunachal Pradesh hi India sawrkarin a duhsak fâl hle a. An khawpui lianho hi an in leh lo tam zâwk chu party belh fuh nei in ang mai, a ropui hlawm hle a. Khawlai dunga an motor tlânte pawh hi Mizoram Compensate dawng hmem motor ang deuh vek mai a ni a. Chutih rualin, kan mi leh sa eng emaw zât hi a khaw tê leh kilkhâwr lam deuh, mual êng hmu pha lo te pawh an ni ni ve nual thung. A hausahovin sum siam an thiam êm êm laiin a harsaho lah hi an inla ‘Ka pa Khûma’ ve a-ta-lángin puih ngaihna vak awm lote pawh an ni ve leh zêl a.

VI. Rawngbàwlna lam: Arunachal-a kan Mission Field inbunna hi chu District pahnih chauh a ni a. A tîra kan Mission luh hlima hma an lâkna lamho kha Field dangah an awm tâk vâng a ni pakhat a. Tin, Arunachal-ah hian kohhran dang hi an pung chak a, kan lût tlai deuh bawk nèn, a ram mite rilru lawm zâwng deuh zirtîrna (rau riai ruai, mumang, zàwl thu puan, etc.) hman thiam lamah kan tluk lo deuh a ni ang.

Kan rawngbàwlna hmun hi a kaihlai a. Hnam hrang hrang inpawlh, ÷awng chi hrang hrang hmang an ni a. ÷awng hrang hmang hi an inbe thei lo va, ÷awng tuallengah Hindi an hmang a. Chu chu keini pawhin rawngbàwlna ÷awng berah kan hmang ve mai an ni.

VII. Hma lâkna:

1. Direct Evangelism: Missionary-ten anmahni khaw enkawl laiah theih tâwp an chhuah a. Tin, thla khatah vawi khat a huhovin Pastor kaihhruainain Chanchin ÷ha hrilin (Prachar) an thawk chhuak ÷hìn a. Hei bâkah hian Missionary tam zâwkte hian mahni *station* awp ngur lo hian an chheh vèlah a remchàn dân angin khaw enkawl tel an nei mék bawk.

Kan Field hi Mizoram aṅanga a hlat deuh avàngin Work Camp kan dawng pha mang lo va. Evangelist-te hian Pastor Bial chhúngah Work Camp neiin, Biak In, Biak In ÷hutthleng, Evangelist Quarters etc. te hnatlángin an siam/sa ÷hìn a. Taksa leh thlarau zâwng tak pawhin an thawk rim viau a ni.

Tûn hma angin Film Ministry hi a kal ta vak lo. Mobile Phone a tam tâk vângte pawh a ni ang - Bible Tract pawh tûn hma angin a sem a kal vak ta lo bawk.

2. Indirect Evangelism:

(a) *Craft Centre:* Craft Centre, Puan ÷hùi zirna hi hmun hnihah kan nei a. Ringthar pawh kan nei ve leh zauh

thìn. Craft Centre-ah thawktuten puan thui zirtír pahin Devotion/Bible Study an neihpui thìn a ni.

(b) Medical Ministry: Kan Field huam chhúngah hian Nurse pahnih kan nei a. Nurse hi dam lovin an mamawh miao avàngin mi dang kal theih lohnaah pawh an lût thei a. Ring lo pindan ril ber thlengin an lût thei a, an tán rawngbàwlina kawng a zau bik a ni. Kan Field chhúng hmun thenkhat hi a la thingtláng ve deuh va. Sawrkar damdawi inah pawh damdawi a tha tâwk lo va, kan miten hmun pui pan an harsat a, Nurse rawngbàwlina hi a hlu zêl dâwn a ni.

(c) Non-Formal Education: Kan Missionary-te zíngah Non-Formal Education kalpuite, Free Tuition pe thìn te an awm bawk a ni.

8. Hmachhawp:

- Tûnah hian Mr. Sinchung Matadu, Khoina khua SMB chàwm (sponsor)-a BD zir chhuak kan nei a. Kuminah hian Filed Worker Pro Pastor hna a dil ve dâwn a ni.

- Kan mi leh sate hi zai leh zai hruaina lama hma kan sâwn zêl nán Music Ministry lama hma lâk nasat kan tum. Arunachal mite hian zai leh lam hi an làwm a, heti záwng hian kan hrút na hret hret dâwn a ni.

- Arunachal mite hian puan zeh chi hrang hrang hi an làwm ve hle a. Mizo puante hi an lei nasa a, puan tah hi nuam an ti viau bawk. Chuvàngin puan tah (handloom) lam kal tlanga rawngbàwlina huang zauh tùrin hma kan la mék.

9. Harsatna leh làwmna lam: Arunachal Pradesh-ah hian mi hnukháwiah kan lût a. Mi dang an lo inbun nghet tawh viau mai a. Kan kohhran mite hi khawsa thei tak chu awm ve bawk mah se a tlánpui thuin a khawsak har lam deuh an awm ve nawk a. Mahni intodelh hi chu kan la hlat deuh. Kohhran lian leh Biak In lian pui pui nei kára kan

kohhran mi, kan Biak In ropui vak lova hla tak tak ațanga an rawn inkhâwm ve țang țang țhin hi thil hmuhnawm tak a ni thung.

Kumin kum tìrah Arunachal Pradesh sawrkarin sakhaw danga inleh khapna (*Anti Conversion Law*) kalpui a tumna leh chumi dodâlna Kristianten kan lantırna avàngin boruak a țang deuh va. Kan Field chhúnga kohhrante hi member kan tam vak loh avàngin a kúl a táiah chuan kan țang lo va. Mahse kan phâk ang tâwk tâwkin he ‘Anti Conversion Law’ duh lohna lantırna (strike)-ah hian kan tel ve a. Tûn thlengin Pathian khawngaihna a zârah boruak ța lo lian tham awm lovin hun kan hmang chho zêl a, lâwmawm kan ti hle.

BEC Member - Rev. Dr. Lalchawimawia leh Upa P.C. Liankunga te chuan ni 17-19.6.2024 chhúngin kan Field min rawn tlawh a. Kan Field chhúnga Pastor bial pathumte an tlawh vek a. Thawktu leh kohhran hruaitute nèn inkawm hona a remchàn dàn angin an nei bawk a, kan lâwm hle a ni.

Missionary nula pakhat hian a thawhnaah mipa naupang dam lo hi a enkawl dam hlauh mai a. Chu naupang pa chu a lâwm êm êm mai a. Chu missionary chu lâwm thu hrilh mai duh tâwk lovin Pathian chibai bûk ang maiin a hmaah țințhiin chibai a bûk a. Missionary nula chuan, “*Kei chu mihring mai ka ni a; chibai bûk tûr ka ni lo. Pathian chauh chibai bûk tûr a ni,*” tiin a lo hrilh a. Chu pa chuan, “*Ka fapa i tidam alâwm. Pathian lo chuan hetiang hi an ti thei lo. Chuvàngin, Pathian i ni alâwm,*” a ti a. Missionary chuan, “*Lal ropui deuh hian thil pêk hlu tak pe tûrin a chhiahhlawh hi i hnênah rawn tır ta se, a chhiahhlawh chu nge, lal chu lâwm thu i hrilh ang? Kei hi i fapa tidamtu Pathian chhiahhlawh mai ka ni e,*” tiin Pathian laka inngaitlâwm takin a hrilh fiah ta a.

‘Kûna a pheikhawk hruì phelh tlâk pawh ka ni lo ve,’ títu kha Lal Isua chuan, *“Hmeichhe hrin zingah Baptistu Johana aia ropui an awm lo,”* a ti ve thung asin!



SERMON MITDEL TIHDAM THU

Chhiar tûr: Marka 8:22-26

*Upa Vanlalrawna Kiangte
Synod Office, Aizawl
Mobile No: 9862363049*



Mihringin thu ngaihnaawm kan tih, kan ngaihven êm êm mai pakhat chu damna thu hi a ni. Lal Isuan khawvêla rawng a bàwl hun lai khán natna a tam a, mi an hrisel lo êm êm a, tidamtu an mamawh êm êm a ni. Dam lo tam tak damdawi thiamte pawhin an tihdam theih tawh lohte thlengin Isua hnênah an rawn hruai a, a lo tidam zêl thìn. A chanchin chu a darh chak êm êm a, mitthi kaih thawh chanchin phei kha chu a darh chak lehzual a, mipui tam takin taksa damna duhin Isua an zui phah a; chûngte chu Pathian ram Chanchin Tha a lo hrilh thìn a ni.

Keini kohhrante pawh hi damna mamawh kan ni a, taksa damna kan mamawh rualin, kan thlarau damna pawh kan mamawh a. Chutih rualin hmân ațanga vawiin thlengin taksa damna lam hi kan ngaihvenin kan bawh mah mah em aw ka ti thìn. Tûn tûmah hian tih dân danglam deuha Isuan mi a tihdam thu kan ngaihtuah ho dâwn a ni.

Isuan mitdel a tihdam thu hi hmun hrang hrangah kan hmu a. Chilin hlum a siam a,

pian tirh ata mitdel mitah a bel a, Siloam dilah a siltír a, a hmu thei nghâl mai a. Mitdel Bartimaia erawh chu khawih lovin thu-in a tidam thung a. Matthaia ziaka mitdel pahnihte pawh kha an mit a dek a, an dam a, an hmu thei nghâl ve ve a.

Bethsaida khua a mitdel erawh chu vawi khatah a dam ve nghâl mai lo hi a mak hle mai. Chu bâkah Isua khân engati nge kha hmunah khán tidam ve nghâl mai lova,

khaw páwnah a kaih chhuah kher kher le? A mitah a chil a chhâk a, vawi khatah tihdam mai àwm. Engati nge vawi hnih a khawih kher kher? Mi dangte ang lo takin ‘Khua i hmu thei em?’ tiin a han zâwt bîk kher a. Hêng zawhnate hi ka rilruah a lo lût nghâl a:

1. Mitdelin mit vár nei tùrin òanpuitu a mamawh: Lal Isua leh a zirtírten Bethsaida khua an lo thleng tih he khuaa mitdel lainattute leh khawngaihntute hian an lo hria a ni ngei ang. An khawngaih òhin mitdel chuan mit vár neih a châk tih hriatpuiin, Isua hnênah an rawn hruai ta a, Isuan a kut ngeiin dek se a dam an ring tlat a ni.

Chuvàngin, Lal Isua hnêna mitdel an rawn hruai pawh hian hetiang khawih ngeia tihdam hi an beisei niin a lang. Mite chuan amah chu dek tùrin an ngên a; Isua chuan tidam nghâl mai lovin a bânah chelhin, khaw páwnah a kai chhuak a. Mipui chîm phâk lohna hmunah chuan hruai hrangin, mitdel

leh a rawn hruaitute rinna leh beiseina ang takin Isuan a lo tidam ta a ni. Isua hnên hruai thlengntute kha an fakawm hle mai. Anmahni avàngin mitdelin tidamtu Isua hnên a thleng thei a, a hmu thei ta a ni.

Kan vêlah hian Lal Isua la hre chiang lo, thlarau mitdel an awm em? Hêngte hi kan khawngaih ve em? mit vár nei ve se kan ti em? Lal Isua hnên thleng tùrin eng angin nge kan hruai ve òhin le? Tidamtu Isua hnên hruai thlen hi kan mawhphurhna a ni tih kan hriat chian a òul hle mai. Zàwlnei Ezekiel a chu Pathianin Israel-te râl vêngtu atân a ruat a, a râl vên hna a thawh òhat loh avànga an boral a nih chuan an thisen mawh chu a chungah a ngat tih kan hria (Eze 3:16-21; 33:1-9).

Chutiang chuan keini pawhin thlarau mitdelte Isua hnêna kan hruai thlen loh chuan an thisen mawh chu kan phur ngei dáwn tihna a ni ang. Lal Isua hre lo kan tih hian kan chhehvêla hnam

dang ring lo mite hi kan mitthlaah an lo lang zut zut thìn. Chutih laiin kan bul hnaiah hian Isua hre ve si, amah ring tak tak si lo hi kan chhúngkaw zingah te, kan thenawmah te hian an lo awm ve reng lo maw?

Keimah avàngin mi eng zâtin nge mit vár neih phah ve tawh le? Lal Isua hnênah mi eng zât nge ka hruai thlen ve tawh? tih te inçhût thìn ila. Thlarau mitdelten mit vár neih theihna tùra Lal Isua hnêna hruai thlen hi kan rawngbàwlna tùr, kan tih tùr pawimawh tak a ni tih hi i hre thar leh ang u.

2. Mit fiah lovin khawih nawn a ngai: Mitdel chu Isuan khaw chhúngah khán tihdam mai àwm, mahse a bánah a kai a, khaw pâwnah a hruai a, a mitah chil a han chhâk a. A chung a kut a nghah zawh chuan, “Khua i hmu thei em” tiin a han zâwt a. Ani chuan, “Mihring ka hmu a, thing kal ang maiin ka hmu si,” a ti a nih kha. Helai thu hi Rev. Zairema

chuan, “ ‘Mihring ka hmu, thing ang mai an ni,’ tia lehlin tùr a ni,” a ti.

Mihring chu an kal thìn a, thing chu an kal ngai lo tih pawh a hre àwm e. Mahse, thing anga sângin, kal phe zut zut angin a hmu tihna a ni a. Chumi awmzia chu a vawi khatnaah hian a la fiah lo hle tihna a ni ang. Khami chinah khán Isua khân duh tâwkin kalsan ta se, a tán chuan a buaithlâk hle ang. Fiah lo takin, buai takin a awm ngei ang. Mahse, kalsan mai lovin a mitah chuan a kut a han nghat nawn leh a, a mit chu a lo vár ta a, engkim fiah takin a hmu thei ta a ni.

A thil hmuh chu a lo chian tâk chinah chuan mihring chu mihring angin, thing pawh chu an nih dân ang zêlin a hmu fiah thei ta a. Fiah takin amah tidamtu Lal Isua pawh chua a hmu thei ta a ni. Isua hian a then chu ràl khat aţang pawhin a tidam mai a, hmun leh hmuna pawh a khawih vek kher lo. Mahse he mi hi chu vawi khat

khawihah a dam fel nghâl mai lo chu a nih hi. A khawih nawn hnu-ah erawh chuan engkim fiah takin a hmu thei ta a ni.

Keini ringtute hi mittel khawih nawn ngai ang hian khawih nawn kan ngai thìn e, ti ila a سوال lo vang. Lal Isua chanchin te, chhandamna kawng thu te hre bel ve taka inngai, Kraws la thleng si lo; mi sawi ang sawi ve t̄euh thei, thlarau mit fiah tâwk lo, phé ruai mai, khawih nawn ngai kan awm thei ang. Mitdelin mihringte thing kal ang maia a hmu ang khán mi thenkhat chuan Kohhran, Krista taksa ngei pawh hi hre Chiang lovin, phé ruaiin, fiah lo takin an hmu thìn - an thlarau mit a fiah lo a ni ngei ang! Lal Isua khawih nawna dawnga, thlarau mit meng fiah erawh chuan a khawihthu enin, a Chhandamtu a hmu fiah thìn. Pathian thu-ah mahni inenin, a nihna a inhre Chiang ang a, rinawm tak leh thahnemngai takin tidamtu Lal Isua tán a nun pum pui a hmang tawh thìn dawn a ni.

Mitdelin thâwk leh khatah a hmu fiah mai thei lo ang hian, Pathian thu dik chu vawi leh khatah hmuh fiah vek sèn a ni lo va. Ni tin kan hriat belh zêl ang a, zâwi zâwia fiah mi a ni. Kan lo pianthar hian rinna kawngah kan puitling nghâl phut lo, ringtu nun bul kan tan chauh a ni zâwk. Pathian thu chu ni tin kan hriat belh zêl ang a, rinna kawngah kan lo thang lian tial tial ang a, zâwi zâwiin kan thlarau mit pawh a lo fiah tial tial dawn a ni tih hi kan zir chhuah atán a tha hle mai.

Thlarau Thianghlina harh tharna kan lo chan hian kan hlim êm êm thìn. Thenkhat nun-ah chuan mi aia chang sâng ta riauva inhriatna, dai thúk ta riauva inngaihna, hre fiah ber nia inngaihna te a lo awm a. An thu dawn chu Bible thu nèn a inmil em tih ngaihtuah lovin an rilrua lo lang apiangte chu thlarau pàwlna niin an ngai a, a khùkna lam apiang an pan a. Kohhran an pèn bosan a, سوال an pil bo leh thìn. Chûng mite chu an la fiah tâwk lo tihna a ni.

Rinna kawngah puitling viau tawha kan inngaih lai hian mittel ang mai hi kan la ni thei a ni. Hmâna kan pianthar hlima kan lâwmna te, kan hlim êm êmna te kha sawi nuam kan ti a, ti ti nán tak kan hmang ðhìn a. Mahse hun a lo kal zêl a, kan mit leh bengte pawh a lo fiah lo ve tial tial a, khawvêl hmasâwn-na chak takin min chîm reng a, mi duh ang kan duh ve a. Hmasâwn kan tumna lamah Pathian thuin kan nunah hmun a chang tlém tial tial a, Lal Isua hmél kan hmuhna mit hi a tivai fo ðhìn a, khawih nawn kan ngai fo ðhìn.

si, kraws la thleng si lo, thlarau mit la fiah lo, khawih nawn ngai, siam thar leh ngai, fiah lo ruai kan awm thei ang.

Pathian ringtute hi kan chak reng thei lo, sàñ deuh lai te, hniam deuh lai te kan nei ðhìn a, nun ro êm êm laite pawh kan nei ðhìn. Chuvàng chuan Thlarau Thianghlima khawih nawn kan ngai fo ðhìn a ni. Kan mi mal nunah te, koh-hranah te hian Thlarau Thianghlima harh thar lehna (*revival*) lo thleng fo sela. Fiah taka Lal Isua kan hmuh theih nán kan thlarau mit hi ni tinin lo fiah deuh deuh zêl rawh se.

Kohhranho zíngah pawh hian Lal Isua chanchin hre hle

Lalpan a thu malsàwm rawh se. Amen.

Hmeichhe naupang tê pakhat hi kawngpui kân tumin kawng sírah chuan a ding a. Lirthei tlân a tam avàng chuan a kân ngam lo va. Kawnga mi lo kalte chu beisei nei takin a lo thlir a. A tam zâwk chuan a en pawh an rawn en lo va, a ðhen chu hmanhmawh takin an kal hlawk hlawk a. A tu a mah chu amah ðanpui tûra han sàwm ngam a nei lo va. Nakínah chuan pa sáng thlerh thlawrh, zaidam hmél tak hi a rawn kal ta thauh thauh a. Chu vêleh chu naupang chuan, *“Ka pu, kawngpui hi ka kân duh a, khawngaih takin min pui thei em?”* a lo ti a. Chumi hnuah chu pa chuan heti hian a sawi a: *“Kha hmeichhe naupangin khati taka min ring kha ka nuna chawimawina ropui ber a ni,”* tiin.

Amah kan rin ngam hian kan Pathian hi a hlim ðhìn asin.

ISUA - BERÀMPU ҘHA

Chhiar tùr: Jn 10:11-15; Lk 10:3; 10:16b; Is 53:7b

Upa K. Lalnundanga

Keifang Vengthar Ramthar Agent

Mobile No. 9612248122



Awle, kan Missionary te kum tam tak lo thawk tawh te, tawn hriat ngah tak tak te, kum thar chibai ka bûk a che u. Chanchin buah hian ngaih dân ka la sawi ngai lo rêng rêng a. Kum tìrah khân kan hotute sàwmnain ka han ziak ve ngial a. Thiam lo teh mah ila, he thu hi thiam lo chung chungin, thawktute thu ziak hi ngaihnawm ka tih Ҙhìn êm avàngin min tiphûr ve hnuhnawh a, min lo hrethiam dâwn nia.

Kan thupui ‘Beràm Véngtu Ҙha’ hi i entawn thar zêl teh ang u. A kohna chhánga kha leh chen in lo thawh tawhna kha làwm thu ka hrih che u a, in theihna leh thiamna tinréng Lalpan mal a lo sàwm tawh Ҙhìn tih Ramthar chanchin bu latuten kan hriatpui a che u. Heti hian i zir bing leh teh ang u.

1. Beràmpu Ҙha: Beràm véngtu Ҙha pian thu beràmputen an hre hmasa ber - vãn khawpui khian nambar pakhatnaah an dah vâng a ni. Rawngbáwltu hna a thawh phat aṭangin beràmpu Ҙha/ véngtu Ҙha a inti hmiah mai.

Zawlnei Isaian beràm hmangin a nihna a sawi. Beràm no talh tùra an hruai ang leh, a hmul mêtту hmaa a ngawi reng angin a ká a áng lo. A hmaa khawvêl chhandamna hna a hmachhawn dân tùr a sawi. Beràm an vulh chhan hi thil pahnih kan hmu. Sual thawi nán, a hmul silhfên lum siam nán. Amah beràm ngei pawh a intuam lum nán a ni. A hmul an mêt lai kan hmuh Ҙhìn hi a khawngaihthlâk Ҙhìn hle mai, saruakin an kaltír ta. He nihna vânduai thlak tak hi Lal Isuan beràmpu Ҙha a intihna lai tak chu a ni tlat si.

Khawvêla a lo kal chhan

riangvaite hnêna Chanchin Ṭha hril a nih miau avàngin a ngaih pawimawh ber a ni a, awm àwl leh hah tih rêng hre lovin a theihna zawng zawng-in Pathian ram Chanchin Ṭha a hril a. Mipuiin a rawng-bàwlna an ngai ropui a, hre lo bik nih hlauvin mutmu pawh tuah hman lo lékin an chim buai a ni ber mai. Natna tinréng a tidam a, mitthi a kai tho va, a ṭawngkam chhuak hmangaih thu an hre kham lo tak meuh a ni.

2. Amah puibàwmtu tùr zirtír 12 a din: Mihring pianze inang lo tak tak, hnathawh pawh inang lo tak tak an ni nuaih mai. Amah beràmpu ṭha a nih miau avàngin a kîlkâwi thiam hle ni ngei tùr a ni. A thu pawh an âwih êm êm a, kâwi kâwm thin ang maiin rilru hmun khatin an awm ṭhìn. Zirtírtu ṭha leh ropui a va ni Chiang tak êm! Beràmpu ṭha a ni ngawih ngawih. Amah pawh-in inngahna tâk an ni tawhin a hria ni ngei tùr a ni, thil mak tinréng tih theihna a kentír ta hial mai. Amaherawhchu, an

lo chawr chhuahna hre reingin zirtír uluk an ngai hle tih a hria. An zin chhuak an hlawhtling hle tih an han *report* chuan khang kha an làwmman tùr a ni lo; vânah an hming ziak a nih avàngin lâwm zâwk tùr a ni tih a hrilh hmiah mai (Vânah an hming a lo ziaktír diam tawh a nih hmel). A va ropui tak êm! An zin dáwnin eng mah ken a phal lo, khawvêl thila an inham buai a hlauh vâng a ni ang. Lei leh vâna thu neihna zawng zawng kawltu a nihzia an hriat chian a ṭul rêng a ni.

He thu pawimawh tak hi a chah bawk. ‘Chinghne zînga beràm awm angin ka tih che u hi, rúl anga fînga, ṭúro anga pawî sawî lovin,’ a ti. An rawngbàwlna tùr hmun a rálmuang lo thei. Chuvàngin, ‘Thlarau Thianghlima khatin awm rawh u,’ a tihna a nih hmèl hle mai. ‘Mihring thatho leh ṭahnem ngaihna hian pawî a khawih palh theih avàngin fimkhur hle ang che u,’ a tihna a ni ngei ang.

3. Kohhran din chhan -

Chanchin Tha hril: Beràmpu tha chanchin hriaa zàwmtu-ten a la hre lo hriattír hi an chák ber leh an ngaih pawimawh ber a ni zêl. A kip a kâwi sawi sèn a ni lo va, Lal Isuan a hna chhonzawmtu tùr zirtír 12 a din angin Kohhran pawh a lo ding ta a. Paula ten an din lai pawh khán thahnem ngai takin an vilvàng a; mi dang an hrilh chhàwn zêl theih loh hun a awm dáwn tih hriain thu ziak hmangin Bible an din zêl a, a va hlu tak êm! Hetih kárah hian dodâltu pawh an awm zêl.

Kohhranhoten hlâwk zâwk leh sâwt zâwka kan thawh zêl theih nán Ramthar Board dinin, Missionary (thawktu) a tír chhuak a. Pathian kohna dawnga chhángtuten thapui thawhin mawngvawm bá ang hrimin in thawk mup mup mai a nih hi, a làwmawm hle mai. Amaherawhchu, 2 Samuela bung 11 leh 24-ah Pathian mi thlan Davida a che sual palh hlauh mai. A thu neihna a hmang sual, rál do laiin a hah-chàwl a ni ang. Pawi a

khawih, a fapa hlauvin a tlânchhia, a hmeihoten pawngsual an tâwk, a chhúngkua khandaihin an kiansan loh tùr thu a dawng. Kan Missionary-ten thu neihna hman sual theih a ni, i fimkhur hle ang u. 2 Samuela bung 24-ah a intitheih, ropui a inti, Pathian malsàwmna a dawng nasa, a lo chapo ta a, a sipai ngahzia hriat a chák ta tlat mai, eng nge lo thleng ta? Thil khirh-khàn tak – kum 7 tàm, hmélma hlauva thla 3 tlânchhiat, ni 3 hripui lèn, thlan tùr a hre lo. Lalpa kutah a tlu lût ringawt, mipui sîng sarìh an thih phah.

Pathian malsàwmna dawn hi chapopui a va hlauhawm êm! Kan thawhna hmun theuh ah hian inthlahdah lovin, kan hlawhtlinna te chapopui palh theih a ni, i fimkhur ang u.

*“Ka hnênah thu neih pèk a ni (2),
Ram tinah kal ulangin
[Chanchin Tha hril tùrin,
Ka tel zêl ang,” a ti.*

Lalpan a thu malsàwm rawh se.

BUH HMUN AṬANGIN SINGAPORE-A SYNOD RAWNGBÀWLNA

C. Vanlalhnemi

Tent Making Missionary, Singapore

Mobile No: +65 9422 0654



Kum 2019 August 15-ah Singapore-ah *House maid* hna thawk tùrin ka lût a. Ka hna thawhnaah harsatna hrang hrang ka tâwk a, ka hnathawhna hmun (*employer*) vawi li ngawt ka thlâk a ni. Hêng ka *employer*-te hi sakhaw hrang hrang vuantu - Hindu, Buddhist leh Kristian te an ni a. Pathian remruat ka lo hriat thiam loh ðinzia te, keinin vànduainaa kan ruat, a hmangaih lantirtu a nihzia te a tak ngeia tawngtu ka ni hi ka lâwm hle a ni.

Synod hnuai missionary hna ka thawh hmaw ka phâk tâwkin Chanchin Tha ka tlângapui ve ðin a. Mahse, a awlai lo ðin hle. Singapore-a ka luh (kum 2019) aṭanga a kum leh 2020 thlengin chawlh (*day off*) ka nei thei lo va, *phone pawh* min hmantír ngai lo. Bible chhiar pawh an phal lo va. Mahse, a rûkin Bible chu vawi khat ka chhiar chhuak thei tho va ni. Bible chhiar leh tawngtaiin ka hna ka thawh zawh apiangin hun ka hmang a. Kum khat chhúng chu ka Mizopui ka hmu lo va, ka be ngai lo bawk.

Tichuan, Lalpan ka ṭawngṭaina mal min sàwmsak a, hna ṭha tak (*employer ṭha*) Kristian chhúngkua min pe ta a. Kum 2021-2023 khân chawlh (*day off*) ka nei thei ta a. Ka Mizopui nula leh tlangval, sualin a bâwih behte leh nula (*house maid*) ðen-khat, *agency house* lama an thawn kírte hnênah kalin Pathian thu ka hrilh a. Beidawng lo tùr leh eng hmun aṭang pawha Lalpa au ṭang ṭang tùr kan nihzia te phâk ang tâwka hrilhin ka ṭawngṭaisak ðin a. Inkhâwm nacháng hre lo khawpa sualin a bâwih behte pawh MCFS

Biak Inahte hruaiin ka inkhâwpui ve òhìn a ni.

Tent Making Missionary ka nih dân: Rev. Benjamin Lalrinmawia (Pastor Bena), Cambodia nèn kan inhmêlhriat a. Ani hian Synod hnuai *Tent Maker* hna thawk tùrin min sáwm a. Kum 2024 February thlaah chuan ka lo beisei leh ka ngaihtuahnaah pawh ka lo dah phâk ngai loh leh ka phu loh rawngbàwlina chu kan Pastor Bena puihnain ka chhuahna, Vaphai Vengthar Kohhran Committee-ten Synod Mission Board-ah min dîlpui ta a. Pastor Bena hian Singapore-a ka rawngbàwl dân te Synod Mission Board Committee-ah hriattírin hma min lo lâkpui bawk a. Tichuan, Synod Tent Making Missionary ka lo ni ve ta a ni.

Rawng ka bàwl zui dân: Hetih lai hian Chinese chhúngkua (Buddhist) inah ka awm mêk a. Thla khatah wavi hnih chawlh (*day off*) ka nei a - Pathianni ve ve a ni. Chumi hun tâwi têah chuan a theih ang angin ringlo mi,

Buddhist-ho bulah kalin Chanchin Ṭha ka hril òhìn a. Pathian khawngaihna azárah mi tam tak Lal Isua la hre ngai loten Lal Isua hming an lo hriat phah a. Ṭhenkhat chuan Biak Inahte pawh min zui a, mi tam zâwkah erawh hma lâk a la ngai nasa hle a ni. Ka chawlh neih chhunah hian an kiangah kalin (ramhnuai park-ahte) Pathian thu ka hrilh a, Pathian thu ngaihlâ duh leh beiseiawm deuhte chu an *phone number* lain in lam aṭanga *phone*-in theih ang tâwkin ka kàwm (*counselling*) ve òhìn a ni. Thu an ngaih-thlâk duh nân thilpêk, thawm-hnawte pein chawchhùn leh zanriah te ka eipui òhìn a. Rawngbàwlinaa kal chhuah hian Lalpa hmingin chaw ka nghei (*fast*) òhìn a, ei tùr leina ai chu rawngbàwlina atân ka hmang òhìn.

Agape Zoom Inkhâwm: Agape Group kan din a, khawvêl ram hrang hranga hna thawka awm Mizo ṭhalai rual, ram 12 vêla mi kan ni a. Pathian khawngaihna azárah kum 2022 aṭangin tùn

thlengin zoom (online) hmangin zan tin inkhâwm kan nei ziah thei a. Kan Pastor Bena, Missionary Cambodia leh Rev. Zairemthanga, Tahan hnên ațangin thla tin Bible Study kan nei thìn a. Kan hlâwk thìn hle a ni. Tin, kei hian thla khatah vawi khat sermon ka chang thìn bawk. He Agape Group rawngbâwl-na hian ka rawngbâwl-na min pui nasa êm êm a. Zan tin Pastor Bena leh keima hming lamin min țawngțaipui ziah thìn. Tin, sum leh pai pawh min pe thìn a, ka làwm hle a ni. Tin, hetah kan lawi luhna ber MCFS (Mizo Christian Fellowship of Singapore)-ah hian hruaitute duhsaknain țanna hun leh *short sharing* hun te ka nei thei thìn a ni.

Tin, a duh apiang leh harsatna neite emaw, làwmna lam pawh ni se, țawngțai rawngbâwl leh *counselling* nei tura min sàwmna apiangah ka kal thìn a. Ram dang ațanga an harsatna rawn thlentute Lalpa zarah ka lo pui ve thei thìn a ni.

Ram tina Kristian țhalai rualten Bible chhiar lamah hma kan sâwn theihna a nih beisei vâng leh keimah hrim hrim intih chak nân kum 2023 khân Genesis bu pum Bible Quiz ka buatsaih a. Mi tam takin an hlâwkpuì avàngin siam leh tûrin min ngên a, kum 2024 khân Matthaia bu hmangin *quiz* ka siam leh a. Pathian khawngaihna azarah *Bible quiz* ațanga piantharna chang an awm ta hial a, ka làwm tak zet a ni. Pathian ropui ber rawh se.

Kawng engkimah Pathian min hruainaah ka làwm êm êm a. Phâk ang tâwk têa rawng ka lo bawlnate chu kan Pathianin mal min sàwmsak a, kan Synod Mission Board-in ka châk êm êm leh ni tûr pawha ka lo indah ngam ngai loh missionary (*Tent Making Missionary*)-a min la hi ka thinlung takin làwm thu ka sawi a ni. Pathian tana ram latu ka nih theih nân ram tina rawngbâwlpuite min țawng-țaipui thìn tûrin ka ngên a che u. Ka làwm e.



PUAN THUI HMANGA RAWNGBÀWLNA

*Lalramthari, Craft Teacher
Sitalpur, Patna Mission Field
Mobile No: 9577568771*



Synod hnuai rawngbàwlna péng hrang hrang pawimawh leh ùangkai tak zingah puan thui zirtirna hmanga rawngbàwlna chanchin lo thlur bing ta ila. Puan thui zirna hi Mission Field hrang hrangah hawn a ni a. Rawngbàwlna hlawk leh pawimawh, Isua hnena mi dangte hruaina hmanraw pawimawh tak a nih avangin a ùl anga hawn belh zel a ni.

Field hrang hrangah *centre* kalphung leh inenkawl dan a inang vek thei lo va, a mi chengte azira insiam rem ngaite pawh a awm awm e. Field ùenkhatah chuan kum khatah ùm khat (thla sawm) an zirtir laiin hmun ùenkhatah erawh kum khatah ùm hnih (Jan-June & July-Dec) zirtirna hmunte pawh a awm bawk. An thil zir pawh hi a inang vek lem lo, a mi chengte azira zirtir mai ùin an ni.

Chutih rualin, he puan thui zirtirna hian a tum ber chu Isua Chanchin Tha hriattir leh puan thui thiamtir a ni. Ni tin puan thui zirtir hmain zirlaite Pathian biakna hun (*devotion*) neihpui ùin an

ni a. Zirtirtuin a ram mite ùawng a la thiam hma chuan thawktu dangten he inkhawmna (*devotion*)-ah hian an ùawm ùin. He zirna hi a ram mi ringtute dinhmun chawi kan nan a ùangkai em em a; memberte zingah zir rual an awma, an remchan chuan zir thiamtir ngei tum hmasak an ni. Kristian lo pawhin an zir thei vek a; *centre* hawn rei deuh hnuah phei chuan kristian lo hli pawhin an zir ùin.

Sawi tawh angin, Isua chanchin hriha Krista hnena hruai kha kan hna pui a nih avangin Bible hriat chiantir hi an ngai em em a. Hmun ùenkhatah chuan Bible *quiz*

te neihpuiin, Bible pawh ÷antu chauhvîn chhiar lovin zirlaite pawhin a inchhâwkin an chhiar ve ÷hîn. Thla thum hnu vêlah phei chuan anmahniah harsatna a awm loh chuan an ÷awngtai ve ÷hîn a ni. He zirna hmun aṅang hian Isua hnung zui duha baptisma chang pawh an awm zêl a. Chutih rualin, baptisma an chan avànga an chhúngten an hnawh chhuah tâk te, zir zawm an phal tâk lohte pawh an awm fo bawk. Eng pawh ni se, puan ÷hùi zirnaa zir chhuakte hi chuan a hnu zêlah, pasal an neih hnu daihah pawh Kristiante an dodâl lo tlángpui ÷hîn. An zir chhuah hnu kum tam tak liam hnuah pawh Kristian ni zui lo mah se Kristian an nih avànga an ina lo lèn luhtírte pawh an awm a ni.

A tlángpuiin zirlaite hi hmeichhia an ni a. Hmeichhe thawmhnaw ÷hùi kan zirtír nasa ber a, hmun ÷henkhatah chuan mipa thawmhnaw te pawh zirtír tel an ni. A tìrah chuan min la hriat chian lêm loh avàngin rawn zir maite an

hreh a, *centre* hawna hmun hmasa berah phei chuan zirlai neih mumal a harsain pawt chawp deuha zirtírte pawh an awm. Nimahsela, kum hnih khat a liam a, an han hre Chiang a, zir ve duhna an nei ta a; tin, an chhúngte ngei pawhin an rawn tìrh te an awm ÷hîn. Zir chhuakte chu puan ÷hùi kháwl leh sorkar *Registered Certificate* pêk an ni a. *Certificate* hi an ngaihlû êm êm a, hemi hmanga sorkara hna hmu ta te, dàwr hawnga eizawna bul ÷an ta te an awm nual a; dàwr hawng lêm lo, mahni in lama ÷hùi leh chhúngkaw tán pawha ÷angkai tak takte an ni chhunzawm ÷hîn.

Puan ÷hùi zirna la hawn ngai lohna hmunah leh Missionary pawh la awm ngai lohna hmunah phei chuan keimahni hrim hrim hi hmuhnawm kan ni nghâl a. Min mitmei ru reng a, zawhna kan dawn tam ber pawh “Eng nge hetah i tih?” tih a ni fo mai. “Khawtláng tih hmasâwn nán puan ÷hùi zirtír tûrin hetah kan lo kal,” tia kan chhân

hnuah pawh Kristian kan ni tih an hriat avàngin an fimkhur te pawh a ni ang a, sorkar hnuai nge NGO hnuai, eng zât nge kan hlawh, khawiah nge kan office a awm tih thlenga hre duh páwl an lo awm thìn. Min zâwtu azirin kan chhán dân pawh a inchen lo thìn. A lo rei deuh hnu chuan khawtláng pawhin min pawm a, Pathian malsàwm-nain zir duh lâk sèn loh diltu kan nei fo mai.

Chutih rualin hmun thenkhatah erawh Kristian bultum a nih avànga lawm leh pawm hlawh lohna khua pawh awmin zirna chhun-zawm theih lohna hmun pawh a awm bawk a ni. He puan thui zirna hmun hi sikula zirna ang thovin kawng tam takah a tangkai êm êm a. Ni tin an ina va lèn kher ngai lovin anmahni duh thu leh a tûlna avànga lo kalin Pathian thu kan hrilh thei a; tin, an ina lèn duh pawhin an zirtirtute lo nih tâkah chuan lèntír phal loh thu a awm lo va. He hun remcháng hi chuhin Evangelist-te nèn léngin thiana siam

leh Pathian thu hrilhna hun remcháng atán hman niin, zirlaite chhúngkua chauh pawh ni lo, an thenawmte nèn lam thiana siam theihna hun remcháng tak a ni.

A tàwpna atán harsatna leh tawngtaipui kan ngaihna lam han thai lang ila. Zirna hmun hi khawpuia hawn chu awm bawk mah se a tlánpui-in thingtláng lam pangah hawn a ni tlánpui a. A ram mite hi dinhmun inrualkhai tak, tawng mawi lo ni lo se, hnam hnuaihnnung vek an nih law law chuan a ziaawm a. Vaiho hnam hniam leh hnam sáng deuh inthliar dân chu kan hre theuh ang a, an inawm pawlhna hmunah chuan hnam sáng zíngah zir duh an lo awm pawhin hnam hnuaihnnung zínga zir kha an lo hreh a, zir loh mai phah nán te an hmang a.

Chu bâkah, zirna hawna hmun hi hmun tam takah *mission quarters* leh *compound* te a ni nachungin hmun thenkhatah chuan mi in luahte a lo ngai a. *Chair* leh dawh-

kàn neia zirtír theihna hmun remchángte a awm rualin, thenkhatah chutiang remchàn lohna leh a ngaih lohna hmun, chhuata zampher phah chungá ðua zirtírna hmun a awm bawk a. Kan mamawh chu hotuten min ngaihtuahsak zêl a. A làwmawm êm êm rualin, awm ngei ngei tùra ngaih - hming lamna bu (attendance book) kan ngai ang hian kan thil pawimawh leh ðul - Hla Bu, Bible, hmanrua leh thil dangte dah khâwmna tùr hian *steel almirah* tê deuh pawh ni se *centre* tinah awm ngei ngei

tùra ngaih ni bawk sela, a làwmawm lehzual ngawt ang.

Kohhranho ðawngðai-puina kan dawng reng a, hêngte avànga hmasâwn zêl thei kan ni tih kan hria a, a làwmawm tak zet. Chumi piah lamah chuan Missionary zawng zawngte a ram mite ðawng thiam kan mamawh êm êm a. Member-te enkawl thiamna leh thlarau finna, hrisèlna kan neih zêl theih nán min lo ðawngðaipui zêl tùrin chhiartu zawng zawngte kan sáwm che u a ni. Pathian ropui ber rawh se.

Indopui 2-na hun lai khán ráwlthar kum 15 mi hi lawng sipaiah inziak tlingin, North Atlantic tuipuaiah chuan ralthuam hlauhawm tak tak nén an chhuak a. Zànah chuan zanlai aþanga zíng dár 4:00 thleng duty tùrin an ruat a. A lung a léng êm êm a; tin, a zâm hle bawk a. A duty hma chiaha duty tùr chu tlangval inthazo leh viak ða tak mai, Cogswell-a a ni a.

An division officer chuan chu tleirâwl duty tùr chu a ngaihtuah deuh va; zíng dár khat vèlah chuan a han thlithlai a. Mahse, Cogswell-a bawk chu a lo la duty a. Zíngah chuan Captain chuan, “Nizànah khan Cogswell-a kha kha tleirâwl duty ai a duty tih i hria em? Dárkár riat zet a ding tluan parh a nih kha,” a lo ti a. Division Officer chuan, “Hria e, ka pu,” a lo ti a. Captain chuan, “Eng nge i ngaih dàn?” a han ti leh a. Division Officer chuan, “Ngaih dàn êm êm pawh ka nei lo, ka pu. Cogswell-a hi Kristian alâwm,” a lo ti a.



BASIRHAT BIALA LALPA HNATHAWH

Rev. Vanlalngbaka Ralte
ilc Basirhat Bial
 Mobile No: 9615154553



Thu hmahruai: Tûn tumah hian Calcutta Mission Field chhúnga Pastor Bial pakhat, Basirhat Pastor Bial chhúnga kan rawngbàwlna chanchin tlém kan tár lang dáwn a. Basirhat Pastor Bial kan luh chilh hmain Calcutta Mission Field chanchin tawi tê han tár lang hmasa ila. Thenkhat tán chuan kan hriat tawh sa, nikum lama Ramthar Chanchin Bu-a kan lo chhiar tawhte a ni ang a, a then tán erawh chuan kan la hriat loh leh kan beng tivártu a ni thei àwm e.

Calcutta Mission Field-ah hian Field Secretary pakhat leh (kumin aṅangin) Pastor Bial pakua a awm a. Mizo Missionary zawng zawng – 68, Field Worker Permanent - 5, Field Worker Contract- 90, Kraws sipai – 75; kan zavaiin mi 248 kan bung mék a. Missionary zingah hian dam lohna avànga hmunpui lama inenkawl mamawhna avànga dah hi kan awm nual a, thawktu thahnem deuh anga kan lan lai hian kan indaih lohna hi a nasa êm êm a. Thawktu indaih lohna avàngin hmun thar hi duh angin kan zuan hlei thei lo a ni. *“Buh seng tûr a tam hle a; nimahsela, a thawktute an tlém; chutichuan,*

a buh seng tûra thawktu tûrte tîr tûrin buh Neitupa hnênah chuan ngèn rawh u” (Lk 10:2) tih hi kan thunawn chu a la ni reng rih a ni.

Kan Field-ah hian Kohhran puitling, Preaching Station leh Fellowship hi belh khâwmin 193 a awm mék a. Hei hi chu a danglam deuh reng a, a chhan chu *fellowship* hawn belh ngai leh kalpui zêl remcháng lo hi kan nei ve deuh reng a ni. Member zawng zawng hi 10,000 vêl kan ni a. 2025 January aṅanga June thla chhúngin ringthar mi 441 Pathianin min pe a kan lâwm hle a ni.

Basirhat Pastor Bial dinhmun tlángpui: Basirhat Pastor Bial hi kum 2003 khán hawn a ni a. Kum 2028-ah khian Pastor Bial Silver Jubilee kan hmang ve thei tawh dáwn der a ni. Tûnah hian Basirhat Pastor Bialah hian Missionary pariat, leh a ram mi thawktu 23, kan zavaiin mi 31 kan bung mék a. Inchhiarna lamah, Kohhran puitling pahnih, Preaching Station 13 leh Fellowship 7 awm mékin, Fellowship hawn mai theih dinhmuna ding hi hmun hnihah kan nei a. Pastor Bial fangin a tlawh kual ngai hi 22 a awm mék a ni. Kumin 2025 March thla thlenga kan member zât chu mi 971 a ni a. Member atána kan chhiar theih chiah loh *regular* taka inkhâwm ve reng (*seeker*) kan tih mai, baptisma la chang lo hi mi 114 kan nei mék a ni.

Basirhat Pastor Bial-a mi chêngte dinhmun: Basirhat Pastor Bial hi, West Bengal State, North 24 Parnagas District huam chhúngah awmin, Bangladesh ramri depa awm a ni a.

Bangladesh aţanga rawn Muslim rawn pém lût hi an tam êm êm a, anmahni sawi dàn chuan mipui 60% vêl hi chu Bangladesh aţanga rawn lût an ni a. Hêngho hi mi rethei tak tak a ni hlawm a, eizawinna leh zirna kawngahte leh hmasâwnna kawng hrang hrangah an hnufual hle a ni.

Rawngbàwna lam:

1. Free Medical Clinic: Basirhat Pastor Bialah hian Staff Nurse pakhat kan nei mék a, mahse July 2025 khán bial dangah a insawn a. Tûnah hian Bial chhúngah kár tin hmun ngaaah *Medical Clinic* kan hawng a. Hêng hi a ţangkai êm êm a, mi rethei tak takten an rawn pan a. A thlâwna damdawi lo sem mâwl tawp lovin, *devotion* leh ţawngţaisakna neinin, kan *nurse-te* hian Pathian thu an lo hrilh thìn a ni, *Medical Clinic* hi vântláng tána thil ţa kan thawhna kawng pawimawh tak a nih bawk avàngin hei aia changtlung leh ţangkai zâwka kalpui thei tûra hma lâk theih ni se a duhawm khawp mai.

2. *Craft Centre*: Basirhat Pastor Bialah hian craft centre pakhat kan nei a, hei hi kan bial chhúnga rawngbàwna tangkai tak a ni a. Kum khatah puan thui zir tùr mi 10 kan la thìn a. Chùng zirlaite chu ni tin kan Missionary, Craft Teacher kaihhruaina hnuaiiah *devotion* neihpuiin, Bible cháng leh hla te kan zirtír a, kum khatah wavi hnih exam-tírín, kum tawpah chùng kan zirlaite chu *graduation programme* kan neihpui a, *class* kal *regular* (75%) kal chinte chu puan thui kháwl kan sem thìn a ni.

Kum khat chhúng ngawt mai ni tina Pathian thu hrih leh zirtír na nâ nâ chu an zir zawh hnuah pawhrawn inkhâwm chhonzawm tâwk an awm ve zêl a, chùng zing-ah chuan Baptisma changa Kristiana inpe te pawh kan nei ve thìn a. Hêng hovin baptisma an chan hi chuan kan làwmna hi a sáng êm êm thìn. A chhan chu kan inkhâwm dàn kalphung zawng zawng hre sa vek tawh an ni a, kohhranah rawngbàwna

péng hrang hrangah tangkai taka hman zui nghâl theih an nih avàngin kan làwmna hi a tuah hnih thìn a ni.

Khîng rawngbàwna péng pahnih kan tàr lan bâkah khian kan *evangelist*-te hian ni tin kal chhuakin *Bible tract* sem leh *house visit* neiin, chàwl lovin Chanchin Tha an puang darh reng baw k a. Hêng missionary-te hian Preaching Station leh Fellowship pathum pali te an enkawl pah baw k a, an thawk nasa hle thìn a ni. Mahse, tûnlai India ram boruak inthlâk cho zêlah hian hetianga khawlaia vâk chhuaka *Bible tract* sem leh mi ina luh hi chu a remcháng lo tial tial dáwn niin a lang a. Chuvàngin kan rawngbàwl zêlna tùrah hian fing leh remhre taka hma lâk dàn thar, a ram mite duh zâwng leh anmahniin minrawn pan tùr zâwnga hma lâk thiam hi a tûl cho hle tawhin a lang.

Harsatna lam: Kum 2023 November thla khán kan bial chhúnga Preaching Station hlun leh member

pawh kan neih thatna hmun Nakuadaha Preaching Station Hindu páwl RSS te dodàlna avàngin khàrsak kan ni a, kumin June 2025 atàngin Gachha Fellowship pawh an khawtláng roréltute dodàlna vàngin kan khâr bawk a. Hêng hi khâr loh theih loh a nih chhan chu, mi ina kan inkhâwm vâng a ni. Dodàlna kan tawh chángin *police* lam pawhin dân anga min chhan duh viau mah se, Kristian Biak Ina inkhâwm lova, mi *verandah* leh *sitting room* vêla inkhâwm mai kan nih avàng hian chhan kan harsa thìn a ni.

Police lam pawhin thurawn min pêk fo chu, “*A chhia emaw, a tha emaw Biak In hi a hrangin nei ve hrim hrim ula, chutah an rawn tibuai che u a nih chuan kan rawn véng thei ang che u, chutiang a nih loh chuan kan tán chhan in harsa thìn a ni*” tih hi a ni. Rilru na deuhin kan awm a, kan chhuah loh chuan kan awm loh hlânin kan inkhâwmna in neitute kha an lo tibuai ang a, buaina lian zâwk tâwkin Field pum pui

tán harsatna a thlen kan hlau thìn bawk si a kan khâr leh ngê ngê thìn.

Tin, Basirhat Pastor thuthmunah hian kum 2016 khán Biak In thar hawn a ni a. Mahse, a sak hun laiin sum indaih lohna avàngin a *foundation* tha siam lova sak a ni a. A hmun hi sangha dîl hmun a lo ni bawk si a; fit 1½ dâwnin, a ban hnung lam hi a tlum a. Chu chuan a *beam* leh bante chu a tisawp nasa êm êm a; siam that tumin hma kan la a. Mahse *engineer* leh mistiri tu man an thawk ngam lo a. May 2024 khán BEC chuan that mai tûrin min ti ta ringawt a.

Tûnah hian Biak In nei lovin Hall-ah kan inkhâwm a. Kan *hall* awmna hi a sâng si a, kan member tar chak lo tak takte zingah *step* lánw chho thei tawh lo an awm a, inkhâwm thlah phah thatke an awm a. “*Pastor, Biak In sa thuai thuai rawh,*” min han tih hian rilru a hrehawm duh khawp mai. ***Biak In lian vak lo, a dung 45 leh a vâng 24***

vêl tala sak theih hi kan châk êm êm a ni. Chu chu rilruah vawngin he Ramthar chhiartuten min lo hriatsak ula, ÷awngtâina lamah min lo dilpui ve ÷hìn dâwn nia.

Lâwmna lam: Kan bialah hian ringtu ÷ha tak tak, ringthar ni si, Lal Isua tâna ding nghet hi an awm ve tlat ÷hìn a. Hêngho hian min tichak thar leh ÷hìn. Kum 2024 khân Bengali hnam ÷ha, Subroto Mukherjee hi Pastor *quarters*-ah vawî thum ngawt a rawn léng a. English thiam tak niin, chanchin bu lama thawk a ni a. Ani chuan, “*Pastor, Kristian ka ni ve duh, Baptisma min chantír rawh,*” a rawn ti fo mai a. Keiin, “*Chutia baptisma inchantír ngawt theih a ni hlei nê.* *Kan Biak Inah te rawn inkhâwm ve ÷hìn la, kan thu sawite i ngaithla ve ang a.* *Chumi hnuah i duh tak tak a nih chuan kan inchantír dâwn nia,*” ka ti a. A rawn inkhâwm a, a nupui fanaute a rawn hruai bawk a, thla thum hnuah chuan kan inchantír ta a. A nupui leh a fanu erawh

chu thlêm êmaw, tur emaw hauh lo tùrin kan inhrilh a. Tûnah hian amah chauh chu Kristian a la ni rih a, hun lo kal zêlah a nupui fanaute pawh hian Lal Isua chu Lal leh Chhandamtu atâna pawmin Kristian an la rawn nih ve ngei kan beisei a ni. Aizawl ka hawn ÷umin, Pu Lalthlahlova Luangmual Veng min pêk, English Bible ka hawn-sak a, a lâwm hle. *A testimony* hi ngaihnaawm kan ti a; rinna kawngah hmasâwmna tùr a la nei lian êm êm a, ÷awngtâipui a mamawh hle.

Tin, Basirhat-ah hian kum 2023 khân Tual Upa kan thlang ve a, kan Tual Upate pahnihte hi an ÷ha hle: pakhat zâwk hi High School zirtirtu niin, pakhat dang hi Sipai *pension* a ni a. An *regular* êm êm a, an phâk tâwkah kohhran tán ÷hahnem pawh an ngai ve viau mai a. Mahse, thilpêk rawngbâwlna lam hi an hrethiam hlei thei tlat lo. Hêng laia Kristian Mission rawngbâwlna lo kalpui hmasatute hian kohhran dina hruai puitlin lam an lo kalpui

loh avàngin leh thil pèk sem chhuak zàwnga an lo kal nasat avàngin thil pèk sawi hian an hrethiam thei rih lo tlat mai a. Tûnah hi chuan thla khatah ₹ 200 hi Pathian ram ipah an rawn thun ve ziah tawh a, sàwma pakhat pèk hi chu an la hlat hle a ni. Hêng kawngah hian thiam taka kan inzirtír chhohva, mahni intodelh kohhran din tùra hma kan lâk chho bek beka, zaingai taka kan inkaihhruai zêl a tûlin a pawimawh khawp mai. Chutih rualin, innawr lutuk erawh a hlauhawm bawk si.

Kan làwm êm êmna pakhat leh chu, kan bial chhúnga nula leh tlangval BA (English) zirlaite pahnih hian nikum 2024 March thla khán baptisma an chang a. Ni 29.3.2025 khán Basirhat-ah ka inneihtír a, an véngte leh chhúngkhatte aṭangin dodàlna nasa tak a lo chhuak a. Hindu sakhaw dàna innei ṭha leh tùrin an nawr chiam a; thla khat chhúng chu an nupa pawh an pawt ṭhen a, awm dun an phal lo a ni. Mahse,

anni pahnih hi an rinnaah an nghet êm êm a, “*Lal Isua hmingin kan innei tawh a, Hindu sakhaw dàna inneih ṭhat leh kher ka duh lo,*” an ti ve tlat a. Tûnah hian buaina chu la awm deuh mah se a ziaawm chho ve hret hret zêl a. Hetianga ringtu nghet leh Lal Isua tána harsatna hmuna ding ngam kan nei hian min tichakin phùrna leh làwmna min pe nasa ṭhìn a ni.

Tlipna: Basirhat Pastor bial chhúnga kan rawngbàwl-na chanchin hi ziah dáwn chuan ziah tùr a tam êm êm a, a hmudin a daih dáwn si loh avàngin duh tâwk mai ila. He chanchin lo chhiartute zawng zawng Lal Isua hmingin chibai ka bûk vek che u a; kan rawngbàwl-na tláwm tak hian rah ṭha zâwk a chhuah zêla, Pathian ram a lo zauh zêl theih nán leh Pastor ṭhuthmun Basirhat-ah Biak In kan neih ve ngei theih nán in mi mal, chhúngkua leh Kohhranho ṭawngṭainaah min lo dilpui ṭhìn dáwn nia. Lalpan malsàwm che u rawh se.



SMB PROJECT LIST 2025 CHHÁNGTUTE*(Chhunzawmma)*

71. Dawrpui Kohhran	10.06.2025	1,50,000
Barak Area - C. Salganga Biak In Ceiling leh Electrification atán		
72. Dawrpui Kohhran	10.06.2025	93,370
HM South - Sumasumi (Direct Evangelism atán)		
73. Bungkawn Vengthar Kohhran	12.06.2025	1,00,000
Jharkhand - Baratand Biak In ram hungna		
74. Pi C. Sanghmingliani	12.06.2025	1,00,000
Arunachal North - Yaki Tato Biak In sak zawhna tur		
75. Pi C. Sanghmingliani, ITI Vengchhak	12.06.2025	50,000
Cachar Tlangram - Langkhanphong Biak In hmun lei nán		
76. Tlangnuam Bial Hmeichhia	13.06.2025	30,000
Cachar Tlangram - Luipui Kohhran Biak In Sound System atan		
77. Chaltlang Ramthar Committee	13.06.2025	3,00,000
Upper Assam - Simenchapori Kohhran Biak In repair-na		
78. Chaltlang Ramthar Committee	13.06.2025	1,00,000
Calcutta - Badu Kohhran Biak In Major repair-na		
79. Chaltlang Ramthar Committee	13.06.2025	1,00,000
Cachar Tlangram - Sateldung Mission Comp. retaining wall		
80. Mission Vengthlang Kohhran	18.06.2025	1,00,000
HM South - Parva - I Biak In Compound fencing		
81. Mission Vengthlang Kohhran	18.06.2025	80,000
Karbi Anglong - Phoronglangso Kohhran Biak In tihlenna		
82. Mission Vengthlang Kohhran	18.06.2025	3,00,000
Karbi Anglong - Terenglangso Kohhran Biak In sakna		
83. Champhai Venglai Ramthar Comt.	20.06.2025	1,00,000
Calcutta - Subasgram Biak In sakna tur		
84. Zarkawt Kohhran	26.06.2025	5,00,000
Barak Area - Kabhuganj Biak In Sakna		
85. Hunthar Kohhran	26.06.2025	1,00,000
Cachar Tlangram - Sobricherra Koh SS Hall sak nán		
86. Khatla Kohhran	26.06.2025	4,00,000
Jharkhand - Dhawa Biak In sakna		

87. Khatla Kohhran	26.06.2025	2,50,000
Calcutta - Banka Biak In sak thatna		
88. Venghlu Bial Kohhran Hmeichhia	01.07.2025	60,000
Jharkhand - Kheribari Kohhran Biak In hungna		
89. Chawnpui Ramthar Committee	02.07.2025	2,00,000
HM North - Kolalian Chhim Veng PS Biak In sak nán		
90. Farkawn, Chhimveng &		
Zawra Veng Kohhran	04.07.2025	2,00,000
Calcutta - Sundarsan Biak In sakna		
91. Electric Vengthlang Kohhran	07.07.2025	2,00,000
Karbi Anglong - Longnit Borjan Biak In Ceiling siamna		
92. Electric Vengthlang Kohhran	07.07.2025	1,50,000
Karbi Anglong - Sangtilangso Biak In sakna		
93. Electric Vengthlang Kohhran	07.07.2025	3,00,000
Cachar Tlangram - Kosopchera Kohhran Biak In sak nán		
94. Electric Vengthlang Kohhran	07.07.2025	1,00,000
Cachar Tlangram - Manikbond Biak In ram lei nán		
95. Tlungvel Gate Veng RT Comt.	07.07.2025	50,000
Tripura - North Ganganagar Biak In chhuat siamna		
96. Khatla East Kohhran	10.07.2025	1,50,000
Arunachal North - Soyargong Biak In sakna		
97. Khatla East Kohhran	10.07.2025	60,000
HM South - Puankhai Preaching Station P.A set leina atán		
98. Khatla East Kohhran	10.07.2025	25,000
Patna - Ara Bial tán Keyboard leina atán		
99. Mission Veng Kohhran	11.07.2025	50,000
Karbi Anglong - Rongchingrum PS Biak In thutthleng siamna		
100. Tuikhuahtlang Kohhran	14.07.2025	2,00,000
Odisha - Tentuliguda Kohhran Sunday School Hall		
101. Luangmual West Kohhran	14.07.2025	1,00,000
Karbi Anglong - Eden Biak In sakna		
102. Zemabawk Kohhran	14.07.2025	2,00,000
Upper Assam - Nagadhera Biak in sak chhunzawmna		
103. Zemabawk Kohhran	14.07.2025	1,50,000
Upper Assam - Nagadhera Biak In tukverh leh kawngkharpui		

104. Chanmari Pastor Bial KṬP	16.07.2025	50,000
Patna - Bidhupur Biak In step railing siamna		
105. Chanmari Pastor Bial KṬP	16.07.2025	30,000
Patna - Rachiyahi Biak In Maicham leh Chairman ṭhutthleng		
106. Armed Veng North Kohhran	17.07.2025	80,000
Nepal - Mangalbare Kohhran choka sak nán		
107. Bungkawn High School Veng Koh	18.07.2025	1,00,000
Karbi Anglong - Koilamati Kohhran Biak In sak chhunzawmna		
108. Chhinga Vengthlang Kohhran	21.07.2025	2,00,000
Barak Area - Karimganj Vestry Siamna		
109. Khatla Kohhran	26.07.2025	4,00,000
Jharkhand - Dhawa Biak In sakna		
110. Khatla Kohhran	26.07.2025	2,50,000
Jharkhand - Banka Biak In sak ṭhatna		
111. Darlawn Venghlun K. Hmeichhia	28.07.2025	20,000
Karbi Anglong - PMS, Silonijan tân		
112. Tuikual South Kohhran	28.07.2025	70,000
Upper Assam - Lamajan PS Biak In Ceiling siamna		
113. Tuikual South Kohhran	28.07.2025	70,000
Karbi Anglong - Sarihajan SS Hall sakna		
114. Ramthar Veng Bial KṬP	29.07.2025	50,000
Nepal - Domukha Biak In siamthat nan		

[Chhunzawm zêl tûr...]

TIHDIKNA & NGAIH DAM DÌLNA

Ramthar July 2025 phêk 32-na (SMB PROJECT LIST 2025 CHHÁNGTUTE) SI. No. 45-ah Barak Area - Dholaicherra Compound toilet siam nána chhángtuah khán sum hlántu hming kan lo tár lang palh a. Hetiang tûr hi a ni e:

45. Ramthar Veng Bial K/Hmeichhia	14.4.2025	50,000
Barak Area - Dholaicherra Compound toilet siam nán		

Tin, a chhángtute hming kan lo ziah nawn avàngin serial number pawh tihdanglam a ni e. Hêngte hi kan tih sual liau liau a ni a; kan tih sualah ngaihdam kan dí e.

RAMTHAR FEH

1. **Field hming** : Home Mission North
2. **Khua** : Rajiv Nagar
3. **Tlawh hun** : Ni 30.11.2024 – 2.12.2024
4. **Tlawhtu** : BVT Kohhran Ramthar Committee
5. **Kal zât** : Mipa – 12; Hmeichhia – 4
6. **Tlawh chhan** : RTM School tlawh leh Pathianni hmanpui
7. **Sum hman zât** : ₹ 1,60,000

8. Làwmawm lam: Ni 30.11.2024 (Inrinni) zing dár 7:00-ah Bethlehem Vengthlang Kohhran Biak In atangin *bus*-in kan chhuak a. Kan kal chhuah dawnin Upa F. Lawmzualan tawngtawng min thlah a. Tluang taka kalin tlai dár 3:00 vèlah Rajiv Nagar Mission Compound kan thleng a ni. Thawktuten min lo dawngsawng tha hle a; *mission compound*-ah hian *bus* a luh theih loh avàngin kan bungruate pawh min thiarpuì vek a ni. Biak In kawtah kan innghat a, inhmèlhrhattirna te kan neih zawhah mipate chu Sunday School Hall-ah, kan riahna tùrah min hruai a; hmeichhiate erawh thawktute inah an thleng darh thung. Zanriah tuihnai tak min lo buatsaih sak a, an chungah kan làwm hle. Hèng bàkah hian ‘iptepui bàna’ tiin thawktute inah hian min sem kual baw k a, hei hi inbual leh ilo kan va tihna tùra min lo ruahmansak a ni, a remchàngin thawktute nèn pawh kan inpawh phah viau a ni.

9. Report tûl dang: Inrinni zàn Pathian Biak Inkhâwmah Upa Lalremsiama, Ramthar Chairman-in; Pathianni chawhmaah (Kadamtuli PS-ah) Pu K. Lalzarliana, Ramthar Secretary leh Pathianni zànah Upa K. Zodinsanga (Ni. Zothanpuì ET, Rajiv Nagar pa) ten thuchah an sawi a ni. Kadamtuli Preaching Station-ah hian khuangtê leh Krismas hmanna tùr ₹ 5,000 kan hlàn a; Rajiv Nagar Kohhran Biak In sak tanpuina tùr ₹ 80,000 kan pe a, Sound Mixer kan pe baw k. Tin, RTM School tanpuì nán ₹ 20,000 kan pe baw k a ni. Pathianni chawhma inkhâwm bànah thawktute nèn hlim takin kan inkàwm ho a ni. Helai hmunah hian mihring chêng zât atanga tehing ringtu kan la tlém hle a, tan làk a la ngai nasa hle. Ni 2.12.2024 (Thawhtanni) zing dár 7:00-ah Rajiv Nagar atangin Aizawl lam panin kan chhuak leh a ni. Pathian leh thawktute chungah kan làwm hle.

K. Lalzarliana, Ramthar Ziaktu

PUN BELHNA 2025

SI. No.	FIELD	HAWN KUM	JAN-JULY
I. HOME MISSION			
1	Home Mission North	1949	30
2	Home Mission South	1987	32
3	Masihi Sangati	1979	1,981
4	Cachar Tlangram	2023	44
II. NORTH EAST REGION			
1	Arunachal & Assam Mission Field 'E'	1991	36
2	Arunachal & Assam Mission Field 'N'	2016	35
3	Arunachal & Assam Mission Field 'W'	2001	58
4	Assam Mission Field	2008	52
5	Barak Area	1975	37
6	Karbi Anglong Mission Field	1989	100
7	Tripura Mission Field	1986	766
8	Upper Assam Mission Field	2025	17
III. CENTRAL REGION			
1	Calcutta Mission Field	1988	499
2	Delhi Mission Field	1988	82
3	Jharkhand Mission Field	2008	225
4	Lucknow Mission Field	1999	14
5	Odisha Mission Field	2016	63
6	Patna Mission Field	1999	167
7	Siliguri Mission Field	1988	79
IV. RAM PAWN			
1	Cambodia	2010	7
2	Nepal Mission Field	2000	103
BELH KHAWM			4,427

RAMTHAR MAN PÊK DÁN



Bank Transfer hmanga pe duh tán a hnuacia Account Number tár lanah hian a pêk theih bawk e.

Account Holder : SYNOD RAMTHAR
Account No : 10665621086
IFSC : SBIN007058
Bank : State Bank of India
Branch : Mission Veng

Ramthar man pete chuan an pêk veleh
WhatsApp No. **8974694225**-ah inhriatfir ni se.

RAMTHAR HLIMTHLA

R a b u n g
Kohran Ramthar
Committee chuan
Missionary chàwm
nán sawhthing hmun
an nei thìn a.
H n a t l á n g i n
Ramthar lovah an
bung mék.



Pathianin an
thawh rimna leh
an inpêkna
malsàwm rawh se.



Phulpui Kohran
Ramthar Committee
chuan Ramthar rawng-
bàwlina atán thla tin
RAMTHAR BUH-
FAITHAM leh MISSIO-
NARY THINGFÁK an
la khâwm thìn. Tin,
Ramthar huanah
balhla leh kuhva an
ching mék bawk.

Pathian tán
a va hmuhdawm
dawn êm!

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,

